

TERZA SESSIONE STRASURDINARIA DI U 2023
29 È 30 DI GHJUGNU DI U 2023

3EME SESSION EXTRAORDINAIRE DE 2023
29 ET 30 JUIN 2023

N° 2023/E3/043

Question orale déposée par Mme Marie-Claude BRANCA
Au nom du groupe « Core in Fronte »

OBJET : Riorganizzazione è sviluppu di a cummissioni d'accunciamentu di u fundiaru

Sgiò cunsiglieri in carica di u sviluppu di l'agricultura,

U 30 di ghjugnu di u 2022, un annu fà, v'avemu dumandatu di riorganizzà i cummissioni d'accunciamentu fundiaru spariti, in u 2018, dopu à a criazioni di a Cullittività unica.

Unu di i roli di sta cummissioni era frà altru di ricuparà i tarri inculti. Sta cummissioni duvaria essa un arnesi efficaci è impurtanti pà u sviluppu di l'agricultura è a salvezza di a tarra.

Ci aviati rispostu chì a cummissioni d'accunciamentu fundiaru di Corsica saria stata stallata, dopu à a numinazioni di una trintina di parsoni, innanzi à a fini di u 2022. Semu à a fini di u mesi di ghjugnu di u 2023 è, chì no sappiami, i membri ùn sò stati numinati è a cummissioni ùn hè stallata.

A noscia tarra è i nosci agricoltori hani bisognu di tutti l'aiuti è l'arnesi pussibili. Ùn ci hè piazza pà a tralascera...

Quandu si sà chì, ogni ghjornu, a noscia tarra hè missa in priculu da u sviamentu affaristu, a spiculazioni, u spussessu urganizzatu, un si pò accittà tali situazioni.

A noscia dumanda hè simprici è pricisa è aspittemu una risposta simprici è pricisa è spiremu d'ùn duvè micca aspittà chivi dinò un annu di più : Quandu aveti da stallà sta cummissioni ?

Vi ringraziemu.